



# Morlan

Canolfan ffydd a diwylliant  
Centre for faith and culture

Annwyl Bawb

## E-FWLETIN 41: 2 MAWRTH 2010

Rydym ynghanol **PYTHEFNOS MASNACH DEG** ar hyn o bryd, sydd â'r thema y Cyfnawid Mawr eleni. Fe'n gwahoddir i gyfnawid ein nwyddau arferol –megis dillad, gemwaith, nwyddau'r cartref a bwyd – am rai Masnach Deg. Am fwy o wybodaeth, ac i gofrestru'ch cyfnawid ar-lein, [cliciwch yma](#).

Mae Morlan wedi trefnu noson o goginio i dynnu sylw at Bythefnos Masnach Deg nos Iau yma am 7.30. Bydd cwmni arlwyio lleol A-maeth yn dangos i chi sut i goginio dau bryd tri-chwrs gan ddefnyddio cynhwysion Masnach Deg. Bydd yno hefyd stondin o wybodaeth a chynnyrch gan Grŵp Masnach Deg Aberystwyth a chyfle i ennill basged o fwydydd masnach deg mewn raffl (yn rhoddedig gan y siop Co-operative lleol). Tâl mynediad: £3 (yn cynnwys paned Masnach Deg).

Ar y nos Fercher ganlynol (am 7.30) bydd Cwmni Morlan yn cyflwyno **DAMIEN, TOMOS AC ARIANWEN WEN WEN**. Cyflwyniad gwreiddiol ar thema hawliau dynol yw hwn, yn tynnu sylw at lafur plant a thlodi yn benodol. Awdur: Sarah Down. Cynhyrhydd: Geraint Evans. Mynediad am ddim.

Gobeithio'n fawr y dewch i gefnogi'r ddwy noson sy'n rhan o raglen gweithgareddau y Morlan.

Dyma'r digwyddiadau eraill sydd ymlaen yma dros y bythefnos nesaf.

### **CYMDEITHAS GELF Y MYFYRWYR**

**3-26 Mawrth**

Arddangosfa gelf o waith myfyrwyr celf Prifysgol Cymru Aberystwyth

### **GRŴP BWDHAETH**

**7.30-9.00, nos Fercher, 3 Mawrth**

Mae'r grŵp hwn newydd ddechrau cyfarfod yn y Morlan ar nos Fercher gyntaf bob mis.

### **RHWYDWAITH HEDDWCH A CHYFIAWNDER ABERYSTWYTH**

**8.15, nos Fercher, 3 Mawrth**

Cyfarfod nesaf y grŵp lleol hwn sy'n gweithio dros faterion yn ymwneud â heddwch a chyfiawnder.

### **BIWRO GWIRFODDOLI CAVO**

**10.00-4.00, dydd Iau, 4 Mawrth**

Trefnir gan CAVO ar gyfer pobl sy'n chwilio am gyfleoedd gwirfoddoli. Manylion pellach: 01570-423232.

### **BORE COFFI**

**10.00-1.00, bore Sadwrn, 6 Mawrth**

Bore coffi misol a drefnir gan y Democratiaid Rhyddfrydol ar Sadwrn cyntaf bob mis. Cyfle i gymdeithasu dros baned a chacen! Croeso i bawb.

### **GWEITHDY CANU**

**10.00-1.00; 2.00-5.00, dydd Sadwrn, 13 Mawrth**

Diwrnod o ganu i gantorion corawl newydd a phrofiadol o dan arweiniad David Leggett. Trefnir gan Tŷ Cerdd Cymru. Gwybodaeth bellach oddi wrth [rhannon.mclean@tycerdd.info](mailto:rhannon.mclean@tycerdd.info).

Cofion gorau

*Carol Jenkins*

Rheolwr